

SEDMIČNI PREGLED AKTIVNOSTI SUDA BIH

Odjel I, II i III

(15.1. – 19.1.2024.)

- Sud Bosne i Hercegovine je dana 29.12.2023. godine djelimično potvrdio optužnicu u predmetu **Dževad Mlačo i drugi**, kojom se optuženi **Dževad Mlačo i Selmo Cikotić** terete da su radnjama opisanim u optužnici počinili:
 - Optuženi **Dževad Mlačo** krivično djelo ratni zločin protiv ratnih zarobljenika iz člana 175. tačka a), u vezi sa članom 30. i 180. stav 1. KZ BiH, te članom 41. stav 1. Dopunskog protokola I na Ženevske konvencije i članom 23. Haškog protokola.
 - Optuženi **Selmo Cikotić** krivično djelo ratni zločin protiv ratnih zarobljenika iz člana 175. tačke a) i b), u vezi sa članom 180. stav 1. i 2. KZ BiH, te članom 41. stav 1. Dopunskog protokola I na Ženevske konvencije i članom 23. Haškog protokola.

Istovremeno, Sud je odbio optužnicu u odnosu na osumnjičenog **Tahira Granića**.

Optuženi Dževad Mlačo i Selmo Cikotić se terete da su tokom rata u BiH i u vrijeme oružanog sukoba između HVO i ARBiH, u vremenskom periodu od 18.07.1993. godine do polovine aprila 1994. godine, Dževad Mlačo kao predsjednik Ratnog predsjedništva opštine Bugojno, a optuženi Selmo Cikotić kao komandant OG Zapad ARBiH od 12.03.1993. do 13.04.1994. godine, a od navedenog dana u svojstvu načelnika štaba u 7. korpusu ARBiH, za vrijeme obavljanja pomenutih dužnosti i funkcija, u okviru svojih ovlaštenja, postupali suprotno pravilima međunarodnog humanitarnog prava, kršeći odredbe članova 75., 86. i 87. Dopunskog protokola broj I uz Ženevske konvencije od 12. augusta 1949. godine o zaštiti žrtava međunarodnih oružanih sukoba, čl. 3. i 130. Ženevske konvencije o postupanju sa ratnim zarobljenicima od 12. augusta 1949. godine, te suprotno Naredbi Predsjedništva RBiH o primjeni pravila međunarodnog ratnog prava u Oružanim snagama RBiH i Dopunskog protokola II iz 1977. godine, pa je tako optuženi Dževad Mlačo naredio ubistva zarobljenika hrvatske nacionalnosti, njih 23 do 26, na način da je napravljen spisak tzv. "ekstrema" zarobljenika HVO, a potom odvođenje tih lica u prostorije BH banke, gdje su mučeni i premlaćivani, nakon čega su od strane pripadnika vojne policije odvođeni u posebne prostorije na lokalitetu Rostovo, da bi potom bili likvidirani od strane pripadnika vojne policije.

Dalje se navodi da je optuženi Selmo Cikotić propustio da preduzme sve moguće mjere u granicama svojih ovlaštenja da spriječi učinjenje krivičnih djela ubistava i nečovječno postupanje, koje su izvršene na način da su, nakon što je Dževad Mlačo u svojstvu predsjednika Ratnog predsjedništva opštine Bugojno, nakon 15. vanredne sjednice Ratnog predsjedišta, dana 22.07.1993. godine, kao de facto autoritet civilne i vojne vlasti na području opštine Bugojno, čije su se odluke poštovale i provodile, donio odluku da se određeni broj zarobljenika hrvatske nacionalnosti koje je označio kao „esktremni dio“ tajno likvidira. Optuženi se tereti i da je izdavao naredbe da se zarobljena lica hrvatske nacionalnosti izvode na obavljanje prinudnih radova na prvim borbenim linijama, svjestan da je takvo postupanje nedozvoljeno i nezakonito, jer im je na takav način ugrožen život, na koji način je nečovječno postupao prema istima.

- Sud je 4.1.2024. potvrđio optužnicu u predmetu **Nenad Bilić (S1 3 K 046685 23 Kps)** koja optuženog **Nenada Bilića** tereti da je radnjama opisanim u optužnici počinio krivično djelo krijumčarenje ljudi iz člana 189. stav 2. Krivičnog zakona BiH.

Optuženi se tereti da je, u cilju sticanja protivpravne imovinske koristi, iako svjestan da prevozi krijumčarena lica u BiH, znajući da ta lica ne ispunjavaju uslove za zakoniti boravak, omogućio boravak 15 stranih državljana na teritoriji BiH vršeći njihov prevoz unutar teritorije BiH.

- Sud Bosne i Hercegovine je **11.1.2024.** potvrđio optužnicu u predmetu **Vildan Ključo (S1 2 K 024349 24 Ko)**, koja optuženog **Vildana Ključu** tereti da je radnjama opisanim u optužnici počinio krivično djelo organiziranje terorističke grupe iz člana 202d. stav 2. u vezi sa stavom 1. Krivičnog zakona Bosne i Hercegovine, a sve u vezi sa krivičnim djelom terorizam iz člana 201. istog Zakona.

Naime, optuženi Vildan Ključo se tereti da je, s ciljem odlaska na ratište u Siriju i pridruživanja terorističkim organizacijama na području Sirije, dana 28.8.2012. godine oputovao u Republiku Tursku redovnim letom Sarajevo-Istanbul, te uz pomoć NN lica prešao tursko-sirijsku granicu, nakon čega se pridružio vojnoj jedinici „Ahmed Asafa“ koja je postala sastavnim dijelom terorističke organizacije ISIL tzv. „Islamske države“ na području Sirije i Iraka, a koja organizacija je odlukom Vijeća sigurnosti UN-a proglašena terorističkom organizacijom i koja teroristička organizacija ima za cilj destabilizaciju i nasilnu izmjenu političkog i ustavnog poretku u Siriji. Dalje se navodi da je optuženi

Vildan Ključo postao pripadnikom navedene terorističke organizacije, te zajedno sa drugim pripadnicima učestvovao u ratnim dejstvima na području Sirije sve do 2023. godine, odnosno do prelaska na teritoriju Republike Turske i povratka u BiH 2023. godine.

- Odlučujući o prijedlogu Tužilaštva BiH, Sud je 12.1.2024. u predmetu **Živojin Majstorović i dr. (S1 1 K 028947 23 Kro)** prihvatio prijedlog Tužilaštva i donio rješenje kojim su prema osumnjičenima **Živojinu Majstoroviću, Radenku Dubočaninu i Radosavu Saviću** određene sljedeće mjere zabrane:
 - **Zabrana putovanja;**
 - **Zabrana sastajanja sa određenim osobama;**
 - **Obavezno javljanje nadležnom organu.**

Izrečene mjere zabrane mogu trajati dok za istim postoji potreba ili do drugačije odluke Suda. Kontrola opravdanosti izrečenih mera vršit će se svaka dva (2) mjeseca.

- Sud je 12.1.2024. otpremio prвostepenu presudu u predmetu **Željko Stekić (S1 3 K 046360 23 K)** kojom je optuženi **Željko Stekić**, na osnovu zaključenog sporazuma o priznanju krivnje, **oglašen krivim** što je na način opisan u izreci presude počinio krivično djelo neovlašteni promet opojnim drogama iz člana 195. stav 1. Krivičnog zakona Bosne i Hercegovine. Sud je optuženom za počinjeno krivično djelo izrekao **kaznu zatvora** u trajanju od **jedne (1) godine i šest (6) mjeseci**, a kao sporednu, novčanu kaznu u iznosu od **15.000,00KM**, koju novčanu kaznu je optuženi dužan platiti u roku od 6 (šest) mjeseci od dana pravosnažnosti presude.

Na osnovu člana 195. stav 4., a u vezi sa članom 74. Krivičnog zakona Bosne i Hercegovine, od optuženog se oduzima opojna droga „kokain“ u količini od **500,606 grama**.

- Sud je 13.1.2024. donio rješenje u predmetu **Aleksandar Kojić i dr. (S1 2 K 045894 23 Krn)** kojim je osumnjičenima **Aleksandru Kojiću, Marku Maksiću, Dragani Ristić i Rastku Bošnjaku**, nakon lišenja slobode, određen pritvor, koji po ovom rješenju može trajati najduže **mjesec dana**, odnosno do **12.2.2024.**, ili do nove odluke Suda, zbog postojanja posebnih pritvorskih razloga propisanih članom 132. stav 1. tačka a), b) i c) ZKPBiH.

Osumnjičeni **Aleksandar Kojić, Marko Maksić, Dragana Ristić i Rastko Bošnjak** se terete za počinjenje krivičnog djela organizirani kriminal iz člana 250. stav 2. i 3. KZBiH, u vezi sa krivičnim djelom neovlašteni promet opojnim

drogama iz člana 195. stav 1. KZBiH, a osumnjičeni Aleksandar Kojić i Marko Maksić i u vezi sa krivičnim djelom pranje novca iz člana 209. stav 2. i 3. KZBiH.

- Sud je 13.1.2024. u predmetu **Stefan Kovač (S1 3 K 047235 24 Eks)** u postupku izručenja potraživanog **Stefana Kovača** po međunarodnoj potjernici NCB Interpol Beč, Austrija, odnosno potjernici Interpol Sarajevo, raspisanoj u cilju vođenja krivičnog postupka pred nadležnim pravosudnim organom Republike Austrije (Austrija), zbog sumnje da je počinio krivično djelo članstvo u kriminalnoj organizaciji u vezi sa krivičnim djelom ubistvo u pokušaju iz člana 278. u vezi sa članovima 12, 15. i 75. Krivičnog zakona Austrije, a nakon održanog ročišta, donio rješenje kojim je potraživanom **Stefanu Kovaču** određen **privremeni pritvor**, koji po ovom rješenju može trajati najduže **18 (osamnaest) dana** od dana lišenja slobode, odnosno **do 29.1.2024.** ili do nove odluke Suda.

PONEDJELJAK, 15. januara 2024. godine

- Odlučujući o prijedlogu Tužilaštva, Sud je 15.1.2024. u predmetu **Vildan Ključo (S 1 2 K 024349 24 Kro)**, nakon održanog ročišta donio rješenje kojim je prihvaćen prijedlog Tužilaštva i optuženom **Viladanu Ključi produžen pritvor** nakon potvrđivanja optužnice, tako da isti po ovom rješenju može trajati **2 (dvije) godine** odnosno do **11.1.2026. godine** ili do nove odluke Suda, a sve iz razloga propisanih odredbom člana 132. stav 1. tačke a) ZKPBiH, odnosno zbog opasnosti od bjekstva.
- Sud je 15.1.2024. u predmetu **Saša Ratković i dr. (S1 2 K 044836 23 K)** u postupku redovne kontrole opravdanosti trajanja mjere pritvora, van ročišta, donio rješenje kojim je **utvrđeno** da i dalje postoje okolnosti koje ukazuju na opravdanost trajanja mjere pritvora prema optuženima **Saši Ratkoviću, Draganu Supiću, Vladici Rakiću i Vasiliju Stjepiću** iz zakonskih razloga predviđenih članom 132. stav 1. tačka a) i c) ZKPBiH, odnosno zbog opasnosti od bjekstva te bojazni da će optuženi boravkom na slobodi ponoviti ili dovršiti već pokušano krivično djelo.

Pritvor po ovom rješenju može trajati najkasnije do **15.3.2024.**, za kada je predviđena naredna kontrola pritvora.

- Sud je 15.1.2024. u predmetu **Duraković Semir (S1 3 K 045634 23 Kps)**, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio i javno objavio presudu kojom je optuženi **Duraković Semir oglašen krivim** što je počinio krivično djelo

krijumčarenje ljudi iz člana 189. stav 2. Krivičnog zakona Bosne i Hercegovine, pa mu je Sud izrekao **uslovnu osudu** kojom se utvrđuje kazna zatvora u trajanju od **2 (dvije) godine**, i istovremeno odredio da se ova kazna neće izvršiti ako optuženi u roku od 4 (četiri) godine od dana pravosnažnosti ove presude ne počini novo krivično djelo. Na osnovu zakonskih propisa od optuženog se trajno oduzimaju sredstva izvršenja počinjenog krivičnog djela, kao i imovinska korist stečena krivičnim djelom u iznosu od **100,00 KM**, a koji novčani iznos će se po pravosnažnosti presude uplatiti u budžet BiH.

PREDMET	SUDIJA/VIJEĆE	ROČIŠTE
Odjel I Zoran Ilić i dr. S1 1 K 020064 22 Kri	<i>Darko Samardžić Jasmina Čosić Dedović Enida Hadžiomerović</i>	Saslušanje jednog vještaka po prijedlogu odbrane drugooptuženog
Odjel I Ćamil Ramić i dr. S1 1 K 031399 19 Kri	<i>Minka Kreho Željka Marenić Tanja Curović</i>	Saslušanje jednog svjedoka po prijedlogu Tužilaštva
Odjel I Ferid Buljubašić i dr. S1 1 K 018498 23 Kri	<i>Jasmina Čosić Dedović Vesna Jesenković Miroslav Popović</i>	Statusna konferencija i početak glavnog pretresa
Odjel I Atif Dudaković i dr. S1 1 K 030713 19 Kri	<i>Željka Marenić Minka Kreho Tanja Curović</i>	Saslušanje dva svjedoka po prijedlogu Tužilaštva
Odjel I Zoran Nešković i dr. S1 1 K 003410 22 Kri	<i>Zoran Božić Šaban Maksumić Vesna Jesenković</i>	Saslušanje vještaka Suda, dva svjedoka Tužilaštva i čitanje iskaza jednog svjedoka
Odjel I Zdravko Kandić i dr. S1 1 K 040709 22 Kri	<i>Davorin Jukić Braco Stupar Tatjana Kosović</i>	Saslušanje jednog svjedoka sa mjerama zaštite iz druge prostorije uz distorziju slike i zvuka, po prijedlogu Tužilaštva
Odjel I Živan Miljanović i dr. S1 1 K 041920 22 Kri	<i>Dragan Vukajlović Miroslav Popović Enida Hadžiomerović</i>	Statusna konferencija; saslušanje jednog vještaka
Odjel III Duraković Semir S1 3 K 045634 23 Kps	<i>Enida Hadžiomerović</i>	Razmatranje sporazuma o priznanju krivnje i objava presude

UTORAK, 16. januara 2024. godine

- Sud je 16.1.2024. u predmetu **Ranko Debevec i dr. (S1 2 K 047095 23 Krn)** djelimično prihvatio prijedlog Tužilaštva BiH i donio rješenje kojim je osumnjičenima **Ranku Debevcu i Osmanu Mehmedagiću produžen pritvor**, koji po ovom rješenju može trajati najduže **jedan mjesec**, odnosno do **16.02.2024.** ili do nove odluke ovog Suda, a iz razloga propisanih odredbom člana 132. stav 1. tačke b) ZKPBiH, odnosno zbog bojazni da bi boravkom na slobodi osumnjičeni uticali na svjedoce, saučesnike ili prikrivače.
- Sud je 16.1.2024. u predmetu **Omar Khan Ahnadžai (S1 3 K 047246 24 Eks)** u postupku izručenja potraživanog **Omara Khana Ahnadžaija**, po međunarodnoj potjernici NCB Interpol Beograd, Srbija, odnosno potjernici Interpol NCB Sarajevo, raspisanoj u cilju vođenja krivičnog postupka pred nadležnim pravosudnim organom Republike Srbije zbog sumnje da je počinio krivično djelo nedozvoljen prelaz državne granice i krijumčarenje ljudi u pokušaju iz člana 350. stav 3. u vezi sa stavom 2., a sve u vezi sa članom 30. Krivičnog zakona Republike Srbije, odlučujući o zahtjevu za privremeno pritvaranje potraživanog, donio rješenje kojim je potraživanom **određen ekstradicioni pritvor**, koji pritvor po ovom rješenju prema potraživanom može trajati do izvršenja odluke o izručenju ili do nove odluke ovog Suda, ali najduže **šest (6) mjeseci** računajući od dana lišenja slobode odnosno od **15.01.2024.** godine do **15.07.2024.** godine.
- Sud je 16.1.2024. u predmetu **Kabiljagić Adamir (S1 3 K 044207 23 K)**, nakon što je optuženi **Kabiljagić Adamir** priznao krivnju da je počinio krivično djelo krijumčarenje ljudi iz člana 189. stav 2. KZBiH, objavio i otpremio pismani otpravak presude kojom je optuženi **Kabiljagić Adamir oglašen krivim** te osuđen na kaznu zatvora u trajanju od **jedne (1) godine**. Na osnovu člana 74. KZBiH od optuženog se oduzimaju predmeti upotrijebljeni za počinjenje krivičnog djela.

PREDMET	SUDIJA/VIJEĆE	ROČIŠTE
Odjel II Ivan Antunović i dr. S1 2 K 032139 20 K	<i>Goran Radević Hasija Mašović Braco Stupar</i>	Odluka Suda povodom prijedloga za spajanje postupka; objava završetka dokaznog postupka; iznošenje završnih riječi Tužilaštva

Odjel I Milomir Đuričić i dr. S1 1 K 034788 22 Kri	<i>Staniša Gluhajić Vesna Jesenković Šaban Maksumić</i>	Iznošenje završnih riječi odbrane prvooptuženog
Odjel II Saša Ratković i dr. S1 2 K 044836 23 K	<i>Miroslav Janjić Mirza Đozo Sena Uzunović</i>	Saslušanje četiri svjedoka i dva vještaka po prijedlogu Tužilaštva
Odjel II Ilinko Gašić i dr. S1 2 K 035062 23 K	<i>Mirsad Strika</i>	Odluka Suda u odnosu na nastavak provođenja dokaznog postupka Tužilaštva
Odjel II Sead Mukanović i dr. S1 2 K 041120 21 K	<i>Stanko Blagić Biljana Ćuković Izo Tankić</i>	Saslušanje dva svjedoka po prijedlogu Tužilaštva; čitanje iskaza dva svjedoka
Odjel II Ranko Debevec i dr. S1 2 K 047095 23 Krn	<i>Braco Stupar Lejla Konjić Dragović Davorin Jukić</i>	Ročište povodom prijedloga Tužilaštva za produženje pritvora
Odjel III Kabiljagić Adamir S1 3 K 044207 23 K	<i>Stanko Blagić</i>	Razmatranje izjave o priznanju krivnje; objava presude
Odjel III Ahnadzai Khan Omar S1 3 K 047246 24 Eks	<i>Hasija Mašović</i>	Ročište za određivanje ektradicionalnog pritvora
Odjel III Zawitowski Andrzej Jacek S1 3 K 046384 23 K	<i>Hasija Mašović</i>	Nastavak glavnog pretresa izvođenjem dokaza Tužilaštva saslušanjem četiri svjedoka

SRIJEDA, 17. januara 2024. godine

PREDMET	SUDIJA/VIJEĆE	ROČIŠTE
Odjel I Đuro Matuzović i dr. S1 1 K 024158 17 Kri	<i>Minka Kreho Željka Marenić Tatjana Kosović</i>	Nastavak saslušanja svjedoka po prijedlogu odbrane prvooptuženog
Odjel I Esad Ramić i dr. S1 1 K 027417 18 Kri	<i>Enida Hadžiomerović Darko Samardžić Mediha Pašić</i>	Saslušanje dva svjedoka po prijedlogu Tužilaštva, od

		kojih je jedan sa mjerama zaštite (pseudonim)
Odjel II Milorad Dodik i dr. S1 2 K 046070 23 K	<i>Mirsad Strika</i>	Ročište odgođeno
Odjel I Boško Peulić i dr. S1 1 K 045883 23 Kri	<i>Šaban Maksumić</i> <i>Vesna Jesenković</i> <i>Zoran Božić</i>	Saslušanje dva svjedoka po prijedlogu Tužilaštva
Odjel II Dalibor Railić i dr. S1 2 K 044546 23 K	<i>Miroslav Janjić</i> <i>Mirza Đozo</i> <i>Sena Uzunović</i>	Saslušanje dva svjedoka po prijedlogu Tužilaštva

ČETVRTAK, 18. januara 2024. godine

- Na ročištu za izjašnjenje o krivnji održanom 18.1.2024. u predmetu **Mladenko Andrić (S1 2 K 046958 23 Ko)**, optuženi **Mladenko Andrić** izjasnio se da nije kriv za krivično djelo za koje se tereti optužnicom Tužilaštva BiH – primanje dara ili drugog oblika koristi iz člana 217. stav 2. Krivičnog zakona Bosne i Hercegovine u vezi sa članom 54. istog Zakona.

PREDMET	SUDIJA/VIJEĆE	ROČIŠTE
Odjel I Hadžić Džemal i dr. S1 1 K 027423 18 Kri	<i>Kreho Minka</i> <i>Marenić Željka</i> <i>Curović Tanja</i>	Saslušanje jednog svjedoka po prijedlogu Tužilaštva
Odjel II Andrić Mladenko S1 2 K 046958 23 Ko	<i>Hadžiomerović Enida</i>	Ročište za izjašnjenje o krivnji
Odjel II Amanullah Ishakil i dr. S1 2 K 042337 23 K	<i>Ćuković Biljana</i> <i>Blagić Stanko</i> <i>Tankić Izo</i>	Saslušanje jednog svjedoka i dva vještaka po prijedlogu Tužilaštva
Odjel II Cicović Danilo i dr. S1 2 K 028774 18 K	<i>Mašović Hasija</i> <i>Blagić Stanko</i> <i>Strika Mirsad</i>	Provodenje dokaza Tužilaštva saslušanjem jednog svjedoka i ulaganjem materijalnih dokaza Tužilaštva
Odjel I Unčanin Boško i dr. S1 1 K 042984 22 Kri	<i>Kreho Minka</i> <i>Marenić Željka</i> <i>Curović Tanja</i>	Saslušanje dva svjedoka odbrane

Odjel II Đurić Mile S1 2 K 042763 23 K	Uzunović Sena Đozo Mirza Janjić Miroslav	Saslušanje jednog vještaka po prijedlogu Tužilaštva
Odjel I Ličina Simo i dr. S1 1 K 041952 22 Kri	Jesenković Vesna Maksumić Šaban Gluhajić Staniša	Statusna konferencija i saslušanje jednog vještaka

PETAK, 19. januara 2024. godine

PREDMET	SUDIJA/VIJEĆE	ROČIŠTE
Odjel I Peulić Boško i dr. S1 1 K 020248 16 Kri	Jesenković Vesna Maksumić Šaban Gluhajić Staniša	Saslušanje dva javna i jednog zaštićenog svjedoka Tužilaštva
Odjel II Jusić Nihad i dr. S1 2 K 042616 23 K	Blagić Stanko Tankić Izo Ćuković Biljana	Objava presude
Odjel III Abdel Majid El-Oweiti S1 3 K 046774 23 Eks	Goran Radević	Ročište za određivanje ekstradicionog pritvora

Najave za narednu sedmicu:

Za utorak, 23.1.2024. godine

- **Neđeljko Popović (S1 1 K 039302 20 Kro)** - Ročište za izjašnjenje o krivnji zakazano za 10:00 sati, sudnica 8;
- **Dejan Pudar (S1 2 K 028410 23 K)** - Početak glavnog pretresa zakazan za 11:00 sati, sudnica 3;
- **Stefan Kićanović (S1 2K 042670 23 Ko)** - Ročište za izjašnjenje o krivnji optuženog zakazano za 10:00 sati, sudnica 7;
- **Bešlaga Midžić (S1 2 K 046891 24 K)** – Ročište za početak glavnog pretresa zakazano za 13:00 sati, sudnica 4;
- **Pečenković Dino (S1 3 K 046946 23 K)** - Početak glavnog pretresa zakazan za 11:00 sati, sudnica 5;

Za srijedu, 24.1.2024.. godine:

- **Dragan Babić i dr. (S1 1 K 046543 23 Kri)** – Ročište za početak glavnog pretresa zakazano za 9:00 sati, sudnica 7;

Za četvrtak, 25.1.2024.. godine:

Kapić Sabin (S1 3 K 044515 23 Kps) – Ročište za razmatranje sporazuma o priznanju krivnje zakazano za 13:00 sati, sudnica 3;

Za petak, 26.1.2024. godine:

- **Nedžad Salkanović i dr. (S1 2 K 027416 23 K)** - Iznošenje završnih riječi Tužilaštva i odbrane, zakazano za 11:00 sati, sudnica 7.
- **Bilić Nenad (S1 3 K 046685 23 Kps)** – Ročište za razmatranje sporazuma o priznanju krivnje, zakazano za 09:00 sati, sudnica 8;

STATISTIKE

ODJELJENJE ZA PODRŠKU SVJEDOCIMA		
Odjel	Broj predmeta	Broj svjedoka
Ratni zločini	10	17
Organizirani kriminal	1	4
Opći kriminal	0	0
Broj održanih ročišta u sudnicama 3-9	37	
Broj zahtjeva za izdavanje AV materijala (Odjeljenje za informiranje javnosti)	40	

**Želite li biti uključeni na popis primatelja najnovijih obavijesti Suda BiH ili izbrisani s njega, molimo vas da pošaljete e-mail na:
pios@sudbih.gov.ba**